

Valsts Prezidentam un jō ministrim

Latgales ultimātums.

Mes grīžamēs pi Jums Latgališu volūdā, kuru asat izdzynuši nu školam un istōdem. Kad Jums ir meila sovu tāvu voluda, tad myusu tāvi ari nav bejuši slyktoki par Jyusu tāvim.

1. 1917. g. kongresā tyka nūsprīsts un Latvijas lykumus pastyprinots, ka latgališu voluda ir leidztiseiga ar latvīšu voludu. Bet spridumi un lykumi ar kōjom sameiti. Latgališus izsmej, par cylvakim natur.

2. Zemes reforma sūleita vysim vinaida. Bet latgališus Baltijā nalaide un pašu Latgali pylnu pībōze ar čyulim.

3. Valsts dīnesti sūleita procentualō norma. Bet nu vysurīnes padzan pādejū latgaliti ar štampeli uz pires: nadareigs "čangals".

4. Latgalei beja sūleita pašvaldeiba (autonomija). Bet taišni Jyus, Cīnejams Prezidenta kgs, bejat tys kas nūperkat vinu lelu latgališu frakciju un valsts satversmes lykumā izmetet ōrā Latgales autonomiju.

Pēc 15 maja Jyus nubendejat pat pogostu pašvaldeibu un sabōžet tur taidus valdeitojus, kurus tauta nairedz. Tykuši pi diktatora varas Jyus nažēleig ribat tim latgališim, kur isadrūšinoja kritizet Jyusu sūlus. Tī vysi padzeiti nu omotim. Augstā gūda sacelti ti Latgales nūdeveji, kuri par "Lynsaklom", "Škiedrom", "Latgales akciju Bankom" ir pardavuši vysas latgališu breiveibas.

5. Latgališu jaunotnes izgleiteibu Jyus veikli bremzejat, bet laižat acis dyumus. Pusi Jyusu armijas pylda Latgales jaunotne. Bet komandējušā sastovā latgališu nav pat vina procenta! Voi Jyus dūmojat, ka latgališi gryutā breidī aizstōvēs Jyusu valsts rūbežus?

6. Vysa valsts ekonomika nūstōdeita tai, ka vysi lobumi dorōs tikai Jyusu lelsaiminikim, bet Latgalei tikai tukši vōrdi. Jyusu fantastiski Kameru lykumi, seikōs amatnīceibas un lauku ryupnīceibas "kūpošana, pōrjaunošana un pōrregistracija" galeigi nūkaun kotru privatu iniciativu un dorba ļaudim atjem gūdeigu maizi.

apkaļt
Rubina

7. Jyusu pādejais lykums par zemes koroborešonu uz vīna saimes lūcekļa jau lik krūni vysai Latgales vōrdzynošonai! Jyus gribat izvest Latgališu massu proletarizešonu. Tyukstušim zemnikus izmest nu tāvu zemes gribat un raidet uz sovu ļaužu tukšū Kūrzeni par batrakim. Latgališu tauta jau saprūt Jyusu gudreibu, gatavei Jyusu lykumam opoziciju un Latvišu palakim baronim boikotu.

Pacīteibas mārs Latgale ir jau pylns!

Latgališu tauta vāroj Čechu un Slovaku liktiņus*, leidza jyut Kroatim un Slovenim, kuri atsarūn zam "Tautas brōļu" Serbu spaidim**. Tauta vāroj un sōc meklet izeju. Un var atrast taidu izeju, ka satricynos na tikai Vodūņa stovūkli, bet vysas Latvijas pamatus.

Lai Latgali varatu nūturet Latvijas rubežus napīcīšams bez kavešonas dūt vysai Latgalei, iskaitut Ilukstes aprinku, pylnū

Autonomiju.

Myusu dīnos nūtykumi rysynojās momentani. Gaideišona var byut smagi likteniga!

Latgališu Tautas vōrdā:

Latgales Dzeļža Legionari.

Pōrrokstīt un izplotīt.

Latvijas Valsts vēstures arhīvs, 3235. f., 1/22. apr., 694. l., 22. lp. Oriģināls. Dokumenta apakšējā labējā stūrī sarkans simbolisks zvēresta – rokas un divu izstieptu pirkstu – zīmējums.

* Čehoslovakijas valsts tika proklamēta 1918. gadā, ietverot gan čehu, gan slovaku apdzīvotos novadus. 1939. gada martā, pēc tam, kad Vācija okupēja Čehoslovakiju, Slovakijas teritorijā tika izveidota marionešu valsts, savukārt Čehija tika pilnīga pakļauta okupācijas režīmam.

** Dienvidslāvija pēc Pirmā pasaules kara izveidojās bijušās Austroungārijas slovēņu un horvātu apdzīvotos novadus pievienojot Serbijas karalistei, kurā serbi atradās dominējošā stāvoklī. Otrā pasaules kara laikā 1941. gadā Horvātijas teritorijā tika izveidota marionešu valsts, bet serbu un slovēņu zemes atradās vācu un itāļu okupācijas iestāžu pārvaldībā.

Publicāts

www.Skreine.org

www.facebook.com/skreine/